

# Ze barri?

ESKORIATZA / Egubakoitza / 2005eko apirilaren 8a / 203. zenbakia

KOORDINATZAILEA: Iker Barandiaran • Otlora 31 ARRASATE 20500 • Tel.: 943 71 25 11 • Faxa: 943 71 23 89 • Posta elektronikoa: zebarri@goiena.com • Lege gordailua: SS200/99

**TURISMOA ETA AISIALDIA/** Udalak bisitariendako eskaintza egokitu gura du

## Ibarraundi jauregia bisitariendako gune zentrala eta informazio puntua izango da

IKER BARANDIARAN

Eskoriatzako Udalak oso argi du bisitariendako harrera hobeto antolatu gura duela. Urtero ikasle ugari etortzen dira herrira, baina bestelako bisitariendako dagoen eskaintza ere hobeto erakutsi gura du. Hori guztia Ibarraundi jauregitik antolatuko dute.

Urtero Eskoriatzara kanpoko hainbat bisitari etortzen dira. Batez ere, ikasleak izaten dira horiek eta orain arte Museo Eskola ikustera etorri dira. Udaleko Turismo eta Kultura Ondareko zinegotzi Juan Luis Merinok emandako datuen arabera, iaz, esate baterako, 2.000 ikasle pasa ziren herritik.

Iazko urrian Ibarraundi jauregia eraberritzen bukatu zuten, eta hortaz Museo Eskola zena hara eramaten dihardute. Material gehiena Ibarraundin daukate, eta horri esker ez dituzte ikasleak bisitatu eten. Are gehiago, erakusketa erraldoi hori handitzeko eta osatzeko asmoa daukate.

### JAUREGIA, INFORMAZIO PUNTUA

Bestalde, Ibarraundik beste hainbat erabilera izango ditu. Horien artean, Udalak jauregiko harre-



Ibarraundi jauregiari erabilpen ugari emango diote, eta horien artean, bisitariendako harrera lekua egingo dute.

ran udalerriko informazio puntua jarri gura du. Eskoriatzara datozen bisitarien udalerraren gaineko informazio zabala jasoko dute, eta handik herriko puntu interesgarriak bisitatu ahal izango dituzte.

Harrera puntu hori egin gura dute Ibarraundiren inaugurazio ofiziala egiten dutenerako. Segu-

*Elizateetan  
seinaleak jarriko  
dituzte, eta  
bisitariendako  
liburuxkak kaleratu*

ranenik, San Pedroko jaietan izango da ekitaldi hori. Ordurako ez da Ibarraundi jauregia guztiz hornituta egongo, baina aurreikusitako zerbitzu gehienak emango ditu. Horrekin batera, udalerriko elizateetan eta bidezidorretan seinaleak jarriko dituzte.

Horrez gain, asmoa daukate udalerraren gaineko liburuxka-

txikiak kaleratzeko. Liburuxka horietan gomendatuko dute herrian zer ikusi. Juan Luis Merino zinegotziaren esanetan, liburuxkak ez dituzte lehenago kaleratu, logotipoa aukeratu barik zegoelako.

### IKUS-ENTZUNEZKOA EGINGO DUTE

Bisitariari harrera egiteko, Udalak harremanetan dabil zenbait enpresekin, ikus-entzunezkoren bat egiteko. Asmoa da bideo labur baten bitartez Eskoriatzako historia, jaiak, eskaintza turistikoa eta kultura ondarea erakustea.

Juan Luis Merinok nabarmendu du udalerrian hainbat gauraz interesgarri daudela ikusteko: "Nik neuk Ibarraundi jauregia bera, zazpi elizateak eta Atxorrotx nabarmenduko nituzke. Esate baterako, Apotzaga bera eta hango kanposantu biribila; Bolibar eta han dagoen Etzeberri baserria, besteak beste. Horrez gain, Atxorrotx Eskoriatzako ikurra da, eta hara edonor igotzeko bidezidorrak prestatu ditugu".

Bestalde, eraikin osoari museo funtzionamendua emateko proiektua egingo dute. Horretarako, hiru enpresei aurrekontuak eskatu zituzkiete. Hemendik hilabetera hasiko dira horren gainean lehiaketa publikoa zehazten. Proiektu hori egiteak luze joko duela argitu zuten.

## Dorleta auzoan 40 autorendako aparkalekuak jarri dituzte

I.B.

Dorleta auzoan aparkalekuak egin dituzte saihesbidearen azpian. Martxoaren bukaeran bukatu zituzten, eta 40 bat autorendako lekua dago bertan. Aparkalekuek mesede egingo diete auzotarrei.

Udako oporren ostean abian jarriko dituzte Dorleta auzo urbanizatze lanak. Udalak hainbat interbentzio egin gura ditu auzo horretan, eta lan

horiek irailean hasi gura dituzte. Luze jo dezakete lanek.

Bitartean, lan horiek auzotarrei eragingo dizkieten eragozpenak neurri baten txikitzeko, Udalak aparkalekuak egin ditu Dorletan, saihesbidearen azpian. Lurzoru zati handi bat leundu, egokitu eta aparkaleku bihurtu dute. Martxoaren bukeran egin zuten lan hori, eta dagoeneko auzotarrak hasi dira berau erabiltzen. 40 bat autok dute hor aparkatzeko aukera, eta mesede egingo dio auzoari.

### APARKALEKUAK, BEHIN BETIKO

Eskoriatzako alkate Juan Carlos Bengoak azaldutakoaren arabera, urbanizatze lanek auzotarrei aparkatzeko eragingo dizkieten arazoak aintzat hartu zituzten, eta horregatik interbentzio hori egitea erabaki zuten.

"Hala ere, auzoko lanak bukatu ostean, aparkalekuek bere horretan jarraituko dute. Ez daukagu kentzeko inolako asmorik, on egingo digu-eta", argitu zuen Juan Carlos Bengoak.



Urbanizatze lanak bukatu ostean, aparkalekuek bere horretan jarraituko dute.

FARMAZIAREN GAINEKO JARDUNALDIAK, HILAREN 11TIK 24RA

# Antzinako farmaziaren gaineko berbaldiak eta erakusketa bitxia

IKER BARANDIARAN

Ibarraundi jauregian farmaziaren gaineko jardunaldiak egingo dituzte asteleheneetik, hilaren 11, hilaren 24ra arte. Erakusketa jarriko dute, eta helduendako eta gazteendako berbaldiak egingo dituzte.

Farmaziaren gainean zerbait egiteko ideia lehenagotik dator. Museoko teknikari Nerea Aranaren esanetan, iaz Errepublikaren gaineko erakusketa jarri zuten, eta material hori Guardiako Lagunen Elkarteak utzi zien. Orduan ohartu ziren farmaziaren gaineko erakusketa bat ere bazutela. Eskoriatzara ekartzekotan egon ziren, baina konturatu ziren Ibarraundin ekitaldi gehiago egin zitezkeela.

**XX. MENDE HASIERAKO ERREMINTAK**  
Astelehenean, hilaren 11n, zabalduko dute erakusketa. Ikusgai jarriko duten materiala Guardiako Lagunen Elkartetik eta EHUko Farmaziako Fakultatetik ekarri dute. Gauza asko batu dituzte: ontziak, sendabelarrak, prestakinak, lehengaiak, ekoizpenerako tresnak eta laborategiko materiala. Hau da, probetak, morteiruak (morteroa), prentsak... XX. mende hasierakoak dira. Erakusketa horren bidez antzeman daiteke botikariekin zelan lan egiten zuten iraganean.



Bitxia da ikustea iraganeko botikariekin zer material erabiltzen zuten.

**BERBALDI INTERESGARRIAK**  
Erakusketaren bitartez antzinako botikarien lana antzeman daitekeen arren, bi adituk horren gaineko berbaldiak egingo dituzte datozen egunetan Ibarraundi jauregian.

Astelehenean, hilaren 11n, Alfredo Elortza botikariak *Sendabelarren tratamendu eta propietateak. Euskal Herriko tradiziozko medikuntza* berbaldia egingo du. 18:30ean izango da. Hilaren 20an, Antonio del Barriok *Far-*

*maziaren historia, botikako 1.000 gaien bitartez* izango du berbaldia. 18:30ean. Eta hilaren 14an, Alfredo Elortzak eskoletako gaztetxoei xarabe eta enplastuak zelan egin azalduko die.

## TELEFONOJAKINGARRIAK

ESKORIATZA	
Udaletxea	943 71 44 07
Udal bulegoak	943 71 45 32
Udaltzaingoa	943 71 44 07
Euskaltegia	943 79 21 68
Kultura etxea	943 71 46 88
Gizarte laguntzailea	943 71 31 36
Kirol etxea	943 71 53 28
Liburutegia	943 71 31 35
Luis Eceiza	943 71 53 56
Jose Arana Almen Ikastola	943 71 44 86
Almen	943 71 49 07
Museo Eskola	943 71 54 53
Axtroki	943 71 40 77
HUHEZI	943 71 41 57
Osakidetza	943 71 44 52
Telesko	943 71 49 17
Taxiak	943 71 40 59

BESTELAKOAK	
Eskualde ospitalea (Arrasate)	943 00 53 00
Gurutze Gorria (Bergara)	943 76 55 76
Ertzaintza (Arrasate)	943 79 71 99
Suhiltzaileak (Oñati)	943 79 28 00
Renfe (Zumarraga)	943 72 15 15
Renfe (Gasteiz)	945 23 20 30
PESA (Arrasate)	902 10 12 10
Larrialdiak (Arrasate)	943 77 10 43
SOS Deiak	112

## OHARRAK

**SASKIBALOA**  
Bihar, zapatua, junior mailako partidua jokatuiko dute 16:00etan, Indulitaren kontra. Ordu berean, kadete mailako taldeak ere jokatuiko du Internazionalen kontra.

**ARETO FUTBOLA**  
Ohorezko Ligako areto futboleko partidua egingo dute Aguraingo taldearen kontra, 18:00etan.

**TREN ZAHARRAREN ARGAZKIAK**  
Tren zaharraren argazki erakusketa jarriko dute Inkernu tabernan. Bihar, zapatua, zabalduko dute eta hilaren 23ra arte egongo da ikusgai.

## AXTROKIRENAGENDA

**DATORREN EGUBAKOITZEAN ANTZERKIA HUHEZI-N**  
Hilaren 15ean, Teresa Lopez de Muniainek *Ugaziun baten antsiak* antzezlan egingo du HUHEZIKO aretoan, 22:30ean. Axtrokik antolatuta.

## LABUR

### Udal langileek egingo dituzte lurperatzeak Marinen, Apotzagan eta Mendiolan

Orain arte Udalak ez zituen bere kargu hartzen elizateetako kanposantuetako lurperatze lanak. Orain dela gutxi, berriz, elizate batzuetatik Udalarik laguntzeko eskaera egin diete. Hain zuzen ere, Marinen, Apotzagan eta Mendiolan ez dituzte horma-hilobiak erabiltzen. Horregatik, lan handiagoa ematen die lurperatzeak, eta ustez laguntza premian daude.

Udalak zazpi elizateei egin die eskaintza, baina hiru horiek bakarrik eskatu dute. Hortaz, beharra dagoenean, Udaleko bi langilek egingo dute lan hori. Zoritxarrez, astean bertan horren premia izan dute, hainbat auzotar hil direlako.

## Haurtzaroa eta hizkuntza berbagai izango dituzte

**Udaleko Euskara Sailak Haurtzaroa eta hizkuntza leloa daukan ikastaroa antolatu du. Eguztenean, hilaren 13an, eta egunean, hilaren 14an, egingo dute, kultura etxean. Urtxintxako Oihana Munduatek emango du.**

Udaleko Euskara Sailak Urtxintxa elkartera jo zuen hizkuntzak haurtzaroan duen garrantziaz jabetzeko. Hortaz, bi eguneko berbaldi-ikastaroa antolatu dute. Bilboko Urtxintxa elkarteak Oihana Munduate psikologoa izango da berorren arduraduna, eta batez ere gurasoei zuzenduta dago.

Oihana Munduatek azpimarratutakoaren arabera, "ez dugu hezkuntzaren gainean askorik berba egingo. Batez ere, gurasoei, familiari eta etxekoei dagokie azalduko duguna".

Bi egun egingo dute. Eguztenean, hilaren 13an, eta egunean, hilaren 14an. "Lehenengo egun egingo gaitzen aurkez-

pen antzeko bat egingo dute, eta gurasoek euren kezka edo zalantzak plazaratu dituzte. Bigarren egunean, arlo zehatzagoak azalduko dituzte".

**TXIKITATIK HIZKUNTZAK IKASTEAN**  
Munduatek azalduko dituen puntu garrantzitsuenak honako hauek dira: umeek hizkuntza zelan bereganatzen duten ikustea; txikitatik hainbat hizkuntza ikastea umeengan duen eragina ezagutzeko; gurasoek umeen hizkuntzen bereganatzean izan dezaketen funtzioa aztertzea; eta elebitasunetik eleaniztasunerako jauziaren gaineko hausnarketa egitea, besteak beste.

*Besteak beste, umeek txikitatik hainbat hizkuntza ikastearen eragina aztertuko dute*

**MIRENTXU TABERNA**  
Kafe goxoa hartzeko  
Tel.: 943 71 41 67

**AZKOAGA ESTANKOA**  
943 71 48 77  
Zure Zerbitzura

**bedardenda**  
Tel.: 943 71 43 27  
ESKORIATZA